



VÕROKIILNE JUHAN JAIGILE PÜHENDET IV JUTUPÄIV

Jutupäevä mõtõ om meelen pitä Sännä mõisan sündünüt Võromaa kiränikku Juhani Jaigi (1899-1948), kinka loomingun lövvüs paljo rahvalist jutujüvvä. Ku Juhani oll 9-aastanõ, nakas tä esä 1908. aastagal luuma Möldreoja tallu Luhamõtsa küllä, midä para ähvärdäs Nursipalo sõaväelidse harjotusvälläku laendusõ ala jäämine.

Miä avitasi meid parhillatsõl keerolidsel aol? Võromaa üte suurõmba kirjamehe Jaigi Juhani luud kaarnakivi avitanu kimmäle. „Seo oll sõrmkübärä pikukõnõ kivikõnõ, aga õigõ sille ja pruunikadsinõ. Säändsit kivvõ om egän ruusahavvan külh ja külh,“ kirjeldas Jaigi üman jutun „Kaarnakivi II“.

Seo sümbolkivi väke elostavalõ võrokiilsele jutupäeväle omma oodõtu Vana-Võromaa latsiaidu ja kuule latsõ. Egä osalinõ esitäs üte ütskõik määndse auturi võrokiilse jutu, ette vöi kanda ka hindä luudut. Ülesastminõ vöi olla kooni 4 minutit pikk. Kõgõ parõmba jutukõnõlõja valis vällä publik, andõn helü umalõ lemmikulõ.

JUTUPÄIV TOIMUS
nellapäevä, 18. lehekuul 2023
kell 11 Sännä kultuurimõisan.

Jutu vöi lats kõnõlda ütsindä, a vöi ka üten sõbra, opikaaslaisi, oppaja, juhendaja vai (vana)vanõmbaga. Jutt pidänü kõnõlamises olõma päähä opit, mitte maaha loetu. Siist saa kaia, kuis ja määndse jutu kõnõldi mineväne kõrd:
https://www.youtube.com/channel/UCx1AmakVosBwH3Rehv_ENvQ/videos

Pallõmi ossavõtt (ossavõtja nimi, klass/vannus ja kuul/latsiaid ni juhendaja nimi, esitätävä jutu päälkiri, autur) kirja panda Võro Instituudin (tel. 7828753/56916281 vai meili pääle tia.allas@wi.ee) ildampa **12. lehekuu** (12.05) pääväs 2023.

Sännä külä ja taa lähkü kant om kultuurilidselt rikas kotus - om jo Sännäst peri ka Võro kirändüse klassik **Artur Adson** (1889-1977), kinka avvus siiani 20 kõrda peet võrokiilne luulõlugõmismõistlus toimus kõrdamüüdä jutupäevägä.

Täämbädse päevä kiränikest eläs Sännä kandin **Lauri Sommer** (sünd 1973), kinka jutõn omma sakõst koon Juhani Jaigi, kiräniku edevanõmbide ja luuja hindä ettekujotusõ ja vällendüse ilo. Juhani Jaigi elost ja loomingust kirotas

Lauri Sommer ütenhaardvalt uma "Räestu raamatu" (2012) päätükün "Jaikiaana".

Võrokiilne juttõ kõnõlamise päiv avitas alaõ hoita aoluulidsen imäkeelen hindävällendamist, nisamatõ om jutupäevä tsihis näüdätä, kuis lugu, taa ettekandmisõ ja kullõmise mõistmine om tähtsä ka parhillatsõl (infotehnoloogia)aol. Jutukõnõlamisel om olnu aost aigu ka rahulidses ja terves tekev toimõ.

Päevä kõrraldaja: Võru Instituut

Ettevõtmist toetasõ: Eesti Kultuurkapital

MTÜ Sänna Kultuurimõis